



KOMUNIKADO PA PRENSA

Fecha

22 òktober 2013

Account Manager

Jhanirha Anita

Email

jhanirha.anita@gobiernu.cw

Nr.

MANTENSHON DI JULIANABRÙG TA BAI KUMINSÁ, ENTRANTE DJALUNA 28 DI ÒKTOBER BINIDERO.

Willemstad - Minister Balborda di Ministerio di Tráfiko, Transporte i Planifikashon Urbano huntu ku Servisio pa Obra Públiko (OW) ta informá komunidat ku djaluna dia 28 di òktober, ta bai kuminsá ku trabounan di mantenshon riba Julianabrùg. Esaki lo bira e promé fase di mantenshon di Julianabrùg, i e trabounan ta plania pa dura te dia 29 di novèmber 2013.

E di dos Fase di mantenshon lo tuma lugá otro aña di mart 2014 pa aprel 2014. Pa kuminsá ku trabounan preparativo, lo kuminsá sera e parti di brùg, ku ta bai drecha, for di djasabra binidero 26 di òktober 2013. Ta bon pa komunidat tuma bon nota di esaki.

E trabounan lo konsistí di:

- Kita tur asfalt bieu.
- Pone kapa di asfalt nobo. Meskos ku den pasado, e biaha aki tambe e piedra i santu pa traha e asfalt ta bini for di Ulanda. E piedra aki ta hopi resistente i ta garantisá bon grip pa largu tempu riba brùg.
- Ta kambia tur e vang-railnan i bòrchinan i pone nobo.
- Ta pone 'weg markering' nobo riba e kaya ora e ta kla.

E trabounan ta bai tuma lugá riba e banda di kaminda parti nort, esta e banda ku ta usa pa krusa di Punda/Saliña bai Otrobanda. Pa e motibu aki, Servisio pa Obra Públiko ta traha huntu ku Departamentu di Tráfiko di Kuerpo Polisial di Kòrsou pa desviá tráfiko. Durante e trabounan lo desviá tráfiko di tal manera ku outonan por sigui kore di ámbos direkshon hasiendo uso di e banda sùit di brùg.

E último renovashon di kapa di asfalt di Juliana brùg a tuma lugá den añanan 1985. E kondishon di e kapa di asfalt riba Julianabrùg atraves di añanan a deteriorá i awor aki tin hopi sker. Esaki ta malu pa e brùg pa motibu ku e no tin protekshon mas kontra di vògt i awa ku ta penetrá entre e skernan den asfalt bini abou.

Pa sigurá ku nos brùg ta bai hopi aña mas i ku e ta den un bon kondishon, Servisio pa Obra Públiko lo bai traha duru pa renobá Julianabrùg. Lo tin dos plug ta traha di dia i anochi i lo traha 6 dia pa siman di djaluna pa djasabra pa asina por terminá e trabounan na e mihó manera i mas pronto ku ta posibel. Lo bini un eksperto ku konosementu den asfaltamentu di brùg for di Ulanda pa asesará nos ku e parti di supervishon durante ehekushon di e trabounan.



KOMUNIKADO PA PRENSA

<i>Fecha</i>	<i>Account Manager</i>	<i>Email</i>	<i>Nr.</i>
22 òktober 2013	Jhanirha Anita	jhanirha.anita@gobiernu.cw	

Mirando e embergadura di e trabounan un petishon ta bai na tur outomobilista pa trafiká ku koutela, tene debido kuenta ku e kambionan i sigui instrukshonnan.

Minister Balborda ta gradisí tur usuario di nos Juliana brùg adelantá pa nan kompreshon i koperashon durante ehekushon di e trabounan aki. Esaki ta na benefisio pueblo di Kòrsou en general.

Pueblo di Kòrsou por sigui tur último desaroyonan di Minister Balborda di Tráfiko, Transporte i Planifikashon Urbano via di su página di Facebook 'Earl W. Balborda, Minister VVRP'.